

(f) Ro katapusan, nga maw do mga bisaea nga atong gina tapus sa sueat, mana ku mga pakumosta ag iba pang mga bisaea, kamukhà pangnanglitan ku "Mag sugò sa imo ngarang bag-ong kakilaea ag abyan".

(g) Ro pirma o ngaean ag apelyido ku tag sueat.

Mga dapat tandaan.

1. Kon do gina pahimungnan hay matag-ud kon isueat, hay mahimo nga raya, sanda ku adlaw nga pag sueat hay sonuron sa sang kuyóg eang. Hwa: Kalibo, Kapis, enero 4, 1918.

2.—Mahimo man nga ro gina pahimungnan ku tagsueat hay gina butang sa idaeum ku ana nga pirma. Hwà:

Elias Canapi

1517 Azcarraga, Manila.

3.—Kon do gina padaehan ag tagsueat hay masupog do anda nga pag abyan o maeapit do anda nga pagbatà, hay do ngaean ag gina pahimungnan nanda hay mahimo nga di eon igbutang, kon daya hay nasayran man ku balang isaeá,

4.—Ro gina tawág sa gina padaehan o katahuran nga gina taó kana hay naga kaeaineain sunô sa pagiligbataan, pag kililaea, katungdanan o gagamhanan nga naabut ku gina padaehan.